

V C
1799





V c
1799

Die Gründlichen Vnd rech-
ten Haupt Artickl/ aller Baur-
schafft vnd Hinderfessen der
Gaislichen vnd Welcli-
chen oberkaytē/ von
wölchen sy sich
beschwert ver-
mainen.

UNIVERSITÄTS-BIBLIOTHEK
HALLE
(SAALE)



BIBLIOTHECA
PONICKAVIANA



In dem Namen des Herrn
 Amen
 Ich habe den Herrn
 Gott geliebet und
 seinen Namen
 gepriesen
 alle Tage meines
 Lebens
 und
 allezeit
 meines
 Lebens
 und
 allezeit
 meines
 Lebens
 Amen



Dem Christlichen leser Fryd
vnd Gnad gottes durch
Christum.

Es seyn vil wider christen/
die yezunt von wegen der versammle-
ten Baurtschaft/ das Euangelion zu
schmeheyn vrsach nemen / sagen/ das
seyn die frucht / des newen Euangeli-
ons. Nyemant gehorsam seyn / an al-
len ortten sich empor heben vnd auff pömen / mit gros-
sem gewalt zuhauff lauffen vnd sich rotten / Geistlich
vnd weltliche oberkeit zu reformieren / außzireyten /
Ja villicht gar zu schlagen. Allen disen Gotlosen
freuenlichen vrtailern / Antwurten dise nachgeschrib-
ne Artickel / Am ersten das sye dise schmach / des wort
gottes auffheben / zum andern die vngehorsamkeit /
Ja die Empörung aller Baur Christlich endschul-
digen / Zum ersten ist das Euangelion nit ain vrsach
der Empörung oder auffreuen. Dye weyl es ain re-
de von Christo dem verhauffte Messia / Welchs wort
vnd leben / nichts dann / liebe / Friede / Geduldt / vnd
ainigkeit lernet. Also das alle die disen Christu glau-
ben / eylich / Friedlich / Gedultig / vnd ainig werden /
So dann der grund aller Artickel der Bawren (Wie
dar klar gesehen wirt) Das Euangelion zu hören /
vnd dem gemess zu leben / da hin gericht ist / Wie mü-
ger dann die widerchristen das Euangelion ain vrsach
der Empörung / vnd des vngehorsams nennen. Das
abeytlich widerchristen vnd seynd des Euangelii /
Wider söliche anmüttung vnd begerung sich lonen
vnd auffbömen / ist das Euangelion nit vrsach / Sonst

A ij

Die zw
der Chri-
sten.

Des neue
Euangeli
frucht.

Antwort
der Arti-
ckel.

Entschul-
digung der
Artickel.

Rom. 2. 2.

Roma. 11.

Esaie. 40.

Roma. 8.

Exodi. 3.

Ymno. 14

Luce. 18.

der der teüfel der schedlichst seynd des Euangelij / der
solches durch den / vnglauben in den seynen erweckt /
Nyemitte das / das / wort Gottes (liebe / fryd / vnd ainig
kait lernent) vndergetruckt vnd wegtgenomen wurde
Zim andern dann klar lauter volget / das dye Baw
ren in jren Artickeln solches Euangelion zur leer vnd
leben begerende / nit mügen vngheorsam / Auffrührisch /
genennt werden / Ob aber Got die Pauren (nach sey
nem wort zü leben ängstlich rüffent) erhören will / Wer
will den willen Gotes Tadeln? Wer will in sein gericht
greysten? Ja wer will seiner mayestet wyderstreben.
Hat er die kinder Israhel zü im schreyende / erhöret / vnd
auß der hand Pharaonis erlediget? Was er nit noch
heut die seynen erretten. Ja er wirts erretten. Vnd in
ainer kurtz. Derhalben Christlicher leser / Solliche
Nachuolgende Artickel lyse mit fleiß / Vnd nachmals
vrtail.

Hye nachfolgent die Artickel:

Der erst Artickel.

Vom Erste ist vnser diemütig bytt vnnnd beger / auch vnser aller will vnnnd maynung / das wir nym für ohingewalt vnd macht wöllen haben / ain gantze gemainsol ain Pfarrer selbs erwölen vnd kiesen. Auch gewalt haben den selbigē wider züentsetzē / wann ersich vngewürlich hielt / Der selbig erwölt Pfarrer soll vns das hailig Euangeli lauter vnd klar predigen one allen menschlichen zü satz / leer vnd gebot / dann vnns den waren glauben stet verkündigen / geyt vns ain vrsach Gott vnd sein gnad zü bitten / vns den selbygen waren glauben einbylden vnd in vns bestetten / Dann wann seyn genad in vns nit eingepyldet wirdt / so bleyben wir stet fleisch vnd blüt / das dann nichts nutz ist / wie klärlich in der geschriffte stat das wir allain durch den waren glauben zü Gott kommen künden / vnnnd allain turch seyn barmhertzigkait salig müssen werden / Darumb ist vns ain söllicher vorgeer vnnnd Pfarrer von nöten vnnnd in diser gestalt in der geschriffte gegründt.

Der ander Artickel.

Züm andern nach dem der recht zehat auff gesetzt ist alten Testament vnnnd im Neuen als erföldt / nichts dest minder wöllen wir den rechten korn zehat gern gebē / Doch wie sich gebürt / dem nach man sol in Got geben / vnd den seynē mitaylen / gebürt es ainem Pfarrer so

A ij

1 Thim. 3.
Titon. 1.
Actu. 14.

Deutr. 17.
Exodi. 31.
Deutro. 10.

Johan. 6.
Ballata. 2.

Wie dann
die gantze
Epistel zu
den Heb.
lager.
Plal. 109.

Genesi .14.
Dei 8. 12.

Deutr. 25.

1. Tim. 5.
Matth. 10.
1. Cor. 9.

Ein christ-
liche erpie-
tung.

Luc. 6.
Matth. 5.
Dan sol
man nicht
chris nemē.

Genesis. 1.

Klar das wort gotes verkündt/ Seyen wir des willen hin
für disen zehat/ vnser kirch Bröpst so dan ain gemain
setzt/ Sollen einsemmlen vnd eynnemen / darvon ainē
Pfarrer so von ainer ganzē gemain erwölt wirt/ seyn
zymlich gnügsam auffenthalt gebē im vnd den seynen
nacherkennung ainer ganzen gmain/ vnd was über
bleybt sol man (armen dürfftigen/ so imselben dorff ver-
handenseynd) mittailen/ nach gestalt der sache vnd er-
kennung ainer gemain / was über bleybt soll man be-
halten/ ob man Kaysern müßt vonlands not wegen /
Darmit man kein landts steuer dürfft auff den armē
anlegen/ Sol manß von disem über schuß außrichten/
Auch ob sach were das ains oder mer döffer werē / die
den zehenden selbs verkauft hettent auß etlicher not
halben/ die selbigen so darumb zū zaigen/ in der gestalt
haben von aynem ganzen dorff der sol es nit engelten
Sonder wir wellen vns zymlicher weys nach gestalt
vnd sach mit imvergleichen/ im sollichs wider mit zym-
licher zyl vnd zeyt ablassen/ Aber wer von einem dorff
sollichs erkauft hat vnd ire forfaren inen selbs solichs
zügeaygent haben/ wöllen vnd sollen vnd seynd inen
nichts weyters schuldig zugeben / alain wie obstat vn-
sern erwönten Pfarrer darmit zū vnderhaltē/ Nach-
malen ablesen/ oder den dürfftigen mittailen / wie die
hailig geschryfft innhölt/ Sy seyen gaislich/ oder welt-
lich den klaynen zehat wöllē wir gar nit gebē/ Dann
Got der herr das vich frey dem menschen beschaffen /
das wir für ain vnzymliche zehat schetzen den die mens-
chen erdicht haben / Darumb wöllen wir in nit weyts
ter geben.

Der drit artickel.

Zum dritten / Ist der brauch byßher gewesen das man
 vns für jr eigenleit gehalten haben wölch zu erbarm
 en ist / angesehen das vns Christus all mit seynem kost
 parlichen plüt vergüßen / erlöset vnnnd erkauft hat /
 Den Hyrtten gleych alls wol alls Den höchsten / Ein
 auß genomme / Darumb erfindt sich mit der geschiffte
 das wir frey seyen vnnnd wöllen sein / Nit das wir gar
frey wöllen seyn / Ein oberkait haben wöllen / Lernet
vns Gott nit / wir sollen in gepotten leben nit yn freyem
fleyschlichen mit wilen. Sonder got lieben in als vn
ferrn Herren . in vnsern nechsten erkennen / vnnnd alles
das so wyr auch gern hetten / das vns Got am nacht
mal gepotten hat zu einer ley / darumb sollen wir nach
seinem gepot leben zaigt vnd weist vns diß gepot nit an
das wir der oberkait nit kofsam seye / nit all ain der ob
erkeit / sunder wir sollen vns gegen jederman diemütiz
gen / das wir auch geren gegen vnser eruelten vnd ge
setzten oberkayt (so vns von Got gesetzt) in allen zim
lichen vnd Christlichen sachen geren gehorsam sein / sey
en auch onzweyfel jr wedendt vns der eigenschafft als
war vnnnd recht Christen geren endelassen oder vns im
Euangelides berichten das wirß seyen.

Der Viert Artikel

Zum vierten ist byßher im brauch gewesen / das kayn
 armer man nit gewalt gehabthatt / das will pret gefi
 gel oder fisch in fließenden wasser nit zu fache zu gelas
 sen werden / welchs vns ganz vnzymlich vnnnd vnbrü
 derlich dunckt / sunder eigennützig vnd dem wort Gotz
 nit gemess sein / Auch in etlichen örtern die oberkait vns
 das gewild zu trutz vnnnd mechtigem schaden haben /
 wil vns das vnser (so Got dem menschen zu nutz wach
 sen hat lassen) die vnuernüfftigen thyer zu vnutz ver

Esai. 53.
 1. Petri. 1.
 1. Chor. 7.

Roma. 13.
 Sapien. 6
 1. Petri. 2.

Deut. 6.
 Math. 4.
 Luce. 4.
 Luce 6.
 Math. 5.
 Johan. 13.

Roma. 13.

Actiū. 5.
 Ain Chri
 stliche er
 bietung.

Genesis. 1.

AB

Actu. 10.
Timo. 4.
1 Cor. 10.
Coloss. 2.
Ein christliche erbie-
tung.
Ein christliche erpie-
tung.

freyen mitwilliglich) leyden müssen) dar zu stillschweigen das wider Gott vnnnd dem nechsten ist / Wann als Gott der Herr den menschen erschuff / hat er im gewalt geben vber alle thier / vber den vogel im lufft vnd vber den fisch im wasser. Darumb ist vnser begeren wann ainer wasser hette das ers mit gnügsamer schrift beweysen mag das man das wasser vnwysenlych also erkauft hette / begeren wir jns nit mit gewalt zu nemen Sunder man müst ain Christlich eynsehen darinnen haben von wegen brüdelicher liebe / aber wer nit gnügsam anzaigen dorumb kan thon / solß ainer gemayn zimlicher weyß mittailen.

Der Funfft Artickel.

Zum fünfften seyen wir auch beschwert der beholtzung halb / Dann vnser herrschafft habend inenn die höltzer alle allain geaignet / vnnnd wann der arm man was bedarfft müß ers vmb zway gelde kauffen / ist vnser maygnung was für höltzer seyen / Es habens geistlich oder weltlich inenn die es nit erkauft haben / sollen ayner gantzen gemain wider anheim fallen / vnd ayner gemayn zimlicher weyß frey sein ain yetlichen sein notturfft inß hauß zu brennen vmb sunst lassen nemē / auch wann von nöten sein wurde zu zimmern auch vmb sunst nemen / doch mit wissen der so von der gemain dar zu erwelt werden So aber kain verhanden wer / dann das so redlich erkauft ist wordenn / Sol man sich mit den selbigen brüderlich vnnnd Christlich vergleichen / Wann aber das güte am anfang auß jnen selbs geaignet wer worden vnnnd nachmals verkauft worden / Sol man sich vergleichen nach gestalt der sach vnd erkantnuß brüderlicher liebe vnnnd heiliger geschafft.

Wie oben im ersten. cap. des. 1. buch Doß anzeigt ist.

Hier auß nit außrafftung des holtz geschehen vvirt ange sehen die verordnet. Ein christliche erbie-
tung.

Der Sechst Artickel.

Zum sechsten ist vnser hart beschwerung der dyenst halben wölche vntag zūtag gemert werden vnd teglich zū nemen / begeren wir das man ain zimlich einsehen dar ein thū / vnß der massen nit so hart beschweren / Sonder vns gnedig hierinnen ansehen wie vnser Eltern gedient haben allain nach laut des wort gotes.

Rom. 10.

Der Sybent Artickel.

Zum sibenden das wir hinfüro vns ain herschafft nit weyter wölle lassen beschweren / sonder wiesz ain herschafft zimlicher weisz ain verleycht also solersz besitzē laut der verainigung des herren vnd bauern / Der herr soll in nit weiter zwingen noch dryngen mer dyenst noch anders von im vmb sunst begeren / Darmit der Baur solych gütt on beschwert also rüeblich brauchen vnd niessen müg / ob aber des herren dienst von nöthen weren / sol im der baur willig vnd gehorsam für ander sein / doch zū stund vnd zeyt / das dem bauern nit zū nachtail dyen / vnd ime vmb aynen zimlichen pffenning denn thū.

Luce. 3.
Lessa. 6.

Der Achet Artickel.

Zum achten sey wir beschwert / vnd der vil so güter innen haben / das die selbigen güter die gült nitertragen künden vnd die Bauern das jr darauff ein biessen vnd verderben. das die herschafft die selbigen güter / Erberleüt besichtigen lassen / vnd nach der billik ayt

B

Math. 10.

ain gylt erschöpff / da mit der baur sein arbeit nit vmb
sunst thye / dann ain yetlicher tagwercker ist seyns
lons würdig.

Der Neundt Artickel.

Esaie. 10.
Ephes. 6

Luce. 5.
Ihere. 26.

Zum neüntten seyen wir beschwert der grossen frevel /
soman stetz new sagung macht / nit das mā vns straffe
nach gestalt der sach / sunder zu zeyten auß grossen
neyd / vnd zu zeyten auß grossen gunst / Ist vnser
maynung / vns bey alter geschribner straff straffen /
darnach die sach gehandelt ist / vnd nit nach gunst.

Der Zehent Artickel.

Wye oben
Luce. 6.

Christlich
erbietung.

Zum zehenden sey wir beschwert / das etlich haben inen
züge aignet / wisen der gleichen ecker / die dann ainer ge
main zugeberende / Die selbigen werden wir wider zu
vnsern gemainen handen nemen / Es sey dann sach
das mans redlich erkauft hab / wann mans aber vns
billycher weys erkauft het / Sol man sich gutlich vnd
buderlich mit ainander vergleychen nach gestalt der
sach.

Der Aylffte Artickel.

Deutr. 18.
Math. 8.
Math. 23.
Esaie. 10.

Zum aylften wellen wir den brauch genant den todt
fall gantz vnd gar abthun haben / Den nimer leiden
noch gestatten / das man witwen waisen das jr wider
Gott vnd eeren / also schentlich nemen berauben sol / wie
es an vil ortten (meniger lay gestalt) geschehen ist / vnd
von den / so sy besitzen vnd beschirmen solten / hand sy vns

geschunden vnnnd geschaben/vnnnd wann sy wenig füg
hettendte gehabt/hettendte diszgar genomen/ das Gott
nit mer leiden wyl/sunder sol ganz absein/kein mensch
nichts hinsiro schuldig sein zu geben/weder wenig noch
vil

Beschluß.

Zum zwelsten ist vnser beschlußvnnnd endtliche may-
nung/wann ainer oder mer Artickel alszhie gesteldt
So dem wort Gottes nit gemess) weren / als wir dann
nit vermainen die selbigen artickel / wo man vns mit
dem wort Gottes für vnzimlich anzaigen / wolt wyr
darnon abston / wann mans vns mit grundt der sch-
riffte erkleret. Ob man vnns schon etlich artickel yetz zu
lyesz/vnd hernachsich befendte das vnrecht weren/ sol/
len sye von stundan todt vnd absein. nichts mer geltē/
der gleichen ob sich in der schrift mit der warhait mer
artickel erfunden/ die wider Got vnd beschwernus des
nächsten weren/ wöll wir vns auch vorbehalten/ vnnnd
beschlossen haben/ vnd vns in aller Christlicher leer ye-
ben vnd brauchen/darumb wir Gott den herren bitten
wollen/ der vns das selbig geben kan vnnnd sunst nyes
mant/ Der frid Christi sey mit vnns allen.

Dierzweyl
alle artick
el im wort
Gottes be
griffen sey
Christli
che erbier
tung.

B ij

Q 27/1799

(x2206294)

Beilage

Erklärung
des
Inhalts
des
Buchs

Faint, mostly illegible text, possibly bleed-through from the reverse side of the page.


24

M.G.



Faint, illegible text from the reverse side of the page, visible through the paper. Some characters are partially legible, such as "17" and "177".





Sammlung

V c
1799

Die Gründlichen Vnd rech-
ten haupt Artickl/ aller Bau-
schafft vnd Hinderessen der
Gaislichen vnd Welch-
chen oberkaytē/ von
wölchen sy sich
beschwert ver-
mainen.

UNIVERSITÄTS-BIBLIOTHEK
HALLE
(SAALE)



BIBLIOTHECA
PONICKAVIANA

